

縣卷卷之十一

名宦列傳先聖後裔

令尹

儒職

職官附

班氏之傳良吏何限也至所名褒德泣不盡一
令長而張季黃次公之徒皆起家無害戴曹亦
明經博士師俱卓卓稱中外然則一邑之父母
師帥其英聲偉望自代不乏人碩人品不同政
跡亦異千載之下公論不泯茲傳之所由立乎
後之治教於斯者皆為保障抑為繭絲將為鷹
鸇抑為鸞鳳鳴乎可以惕然思矣

先聖後裔

沈丘縣志

卷十一

周聃季按史記世家周文王第十一子會於沈
傳至春秋見於經傳一百二十四國沈與焉魯
文公三年春諸侯以沈未嘗與中國會盟而南
服於楚率師伐之入境而民潰魯昭公四年夏
始從諸侯會申秋七月從諸侯伐吳鍾離昭公
五年從陳蔡入國伐吳昭公二十三年秋七月
戊辰吳伐州來沈子逞自將從楚救州來吳人
分師戰於雞父沈子敗死焉其後中國無伯
臣服於楚至葉公沈諸梁為楚葉縣尹國遂

滅

令尹十三人

明李琳定州人由進士以弘治十一年創縣時任為建官之首當縣治初創之時闢草萊建城郭毅然以規畫措置為已任凡縣治學宮庭宇壇壝廛市街巷分經析緯措置有方不傷財不病民百務贍舉縣治以新諸逋負餘孽不敢遂其奸狡及蔓延而為賊盜者日就約束開創之功公於斯邑稱鼻祖焉祀名宦

孫誠新河人由舉人繼二李之後城堞雖完而土質不固公建議包之以磚一時樓角海濠犁然悉備防守捍禦之功至今賴之

李宗元蘄水人由舉人嘉靖五年任為政明敏案無停牘革弊除奸訟簡盜息如修葺學宮及城隍廟置預備倉開澤漏園戒備戎器凡前令之未及措行者公一一修舉邑人德之垂二十年後合詞籲請祀名宦

羅鳳翔字志曾號懷松山西蒲州人由舉人嘉靖四十三年任歸併陳穎寄庄詭地編審苦累差徭時有強賊白晝行劫公設方就擒民賴以寧先年流賊之變以無外城賊得蟻附而上公

加意先築西門甕城俟後三門得以續建永垂保障之功三年任滿陞應天府通判鄉人立祠肖像祀之先是公無嗣在任始舉一子庶夫人蘇氏出以嫡夫人馮氏嚴幾不能育公密選有能存撫者付之時有義民王善政者應如響偕妻田氏潛襁負其家哺之如已子隆慶元年公陞任去時其子方五月七歲時與群兒嘻戲公祠內一兒指公像謂之曰此坐者為誰詢之因謂之曰汝父羅令尹也歸語政夫婦遂以實對兒始知其故痛其母益感義民延師沈生存化

楊生子安教之兒雅有大志克紹父業十六歲擇王濟民女配之婚嫁盡禮萬曆六年公卒於京時其子年十七鄉人憫公乏嗣有聞其事者白之大司馬鑑川王公遺書河北少叅周公密託鄉人訪之政不敢隱令其子出見十一年取回相持悲泣不忍拚義民去既歸克紹公後改名斗光習舉子業善箕裘每念義民夫婦不忘歲一二至更潔牲醴以拜祠下而去先年義民無嗣後連舉二子一子為諸生人以為撫孤食報云

贊曰天可必乎則仁者必有後也羅以一令
尹政化洽民克終令譽乃年幾五十乏嗣息
違中間之妬既誕而不能存倘非義民哺育
之功羅氏之先不血食矣謂世無程嬰之善
類哉今羅之祀絕而復延義民亦無子而有
子羅生無父而有父無母而有母天合各全
人合並善天道好還捷如桴鼓有如是夫

馬思齊和州人由舉人隆慶六年任先是羅侯
增修西城一甕公至周歷城垣慨然續增東南
二甕以資保障他如均徭役逮鰥寡革弊釐奸

彰教宣化諸凡殫厥心力稅課贖緩多庫貯以
備調度頌聲日越後聞訃去民思之不忘為立
生祠與羅公並祀

宗五經彞陵人由歲貢任居官強毅遇事無所
撓屈時陳州胥役有肆為飛詭者將靈濟廟丁
地武盤地四百頃有奇糧石如數飛洒縣界沈
民代辦幾數載苦無所訴公下車即以興利除
害為已任弟子員童原蘭劉棟以告公慨然曰
彼有地而無糧此有糧而無地吾民何辜隨查
西華靈濟廟旁有丁地武盤手孫即所洒地之

主也上之撫臺委臨潁郟城二令會勘之得其
實糧得復歸之陳而沈千百年之害一旦革矣
歲丁卯南關外有河阜商賈達舟楫為利竄久
一旦徙而北而南之利不復如初民甚不便公
徒步原野指其湍水汎處曰此流可斷也遂借
民力築塞之淤出之田籍以為利鄉民就其地
立祠肖像以報其功其考賦惠民勒有碑記
宋存德字惟一號育齊辛未進士萬曆乙亥任
為人真實不苟清白自持剔弊蠹肅衙宇請托
不行省里甲均徭後濬溝渠廣儲畜興學校重
節義修甕門葺城堞諡息民安歷任三年陞都
水司主事去之日民思之不忘為建生祠鄉大
夫劉漢儒為之記

劉世光號豐津淮安山陽人由舉人初任英山
縣教諭造士有方擢趙城令丁內艱服闋補任
沈丘其為政操履端方寬嚴得體萬曆癸巳大
水傷稼民不聊生公力請蠲賑設粥場數十處
全活者眾維時鄰郡盜起公申請上臺發遊擊
兵數同戶百達於海於李遙橋擒獲大寇馮玉舉
等九十餘名賊解散地方始寧有吳生者家貧

饘粥不給值親喪不能辦公給谷數十斛命舉
葬事建社學立義倉濬溝渠舉廢祀實政至今
稱之邑乘悉其手足歷再滿當遷公乞休不止
當事交章薦留終弗從沈人立祠祀之鄉大夫
劉漢儒為之記子一臨孫自竑曾孫芳聲並成
進士官樞要

高毓秀字淑卿號雲竹山東濰豐人以舉人任
沈丘令下車即擊奸剔弊臨左右不假顏色遇
士大夫以禮人自不敢干以私值旱潦屏輿騶
步禱麻弗應嘗單騎問民間疾苦申文裁冗員

立條鞭規則革總催黜副役老人民便之無食
不過一器力崇儉約退食之暇課諸生文藝歷
寒暑不輟沈自隆慶庚午歷五十餘年公門下
士李如霖始中式聞捷之日未啓錄公鼓掌曰
必霖也開視果然考滿稱職例當遷公遽求休
致民追慕之

宋修對福建莆田人天啓丙寅以舉人任沈丘
令居官廉明除錢糧飛詭之病會項地有蓮橋
清淨等坡遇雨輒積水灌莽項人控上臺欲鑿
河瀉之沈丘公堅持不可遂已沈民不為波臣

公之力也

黎玉田號中函陝西乾州人以進士授沈丘令
居官英斷不撓庚午賓興公力請學臺增科舉
二名遺才一名用為定額沈民有以誘賭為生
計者動輒蕩人產公嚴禁之城市村落無敢少
犯銅陽城大盜結連直省嘯聚劫掠當事嚴飭
勦捕固有櫻其鋒者公以密計單騎擒之餘黨
潰散民無門庭之寇公之賜也

柴懋掄號鹿柴陝西白河人以選貢任沈丘為
政英敏諸弊一清流寇渡河公擇衙民及衙役

之壯健者立為五營日加訓練寇窺沈公指授
方畧摧其前鋒寇輒引去有柴兵之名縣治舊
有南截河先年為商民競利所阻有傷地脉公
精風鑑委生員盧中洪劉養璽等監督開濬不
閱月而深濶如故學宮素缺鄉賢公綠士民公
請申祀方伯劉公創立祠堂春秋俎豆久曠之
典一旦肇興衆心允服

國朝劉允謙字六吉號峽石壽州人丁亥進士順治
四年任沈丘令為政英敏案無宿牘廉介不阿
遇事敢斷撫流民墾荒土嘗身履陂畝問民間

利弊吏胥畏懷奉法惟說沈人倚之若慈母焉
沈士自天啓辛酉後接踵無人公甫受事即課
諸生文藝立社明倫堂條定規則以二八為期
寒暑不輟公親加筆削抗命諄復諸士由是奮
勵辛卯登籍者四中副車者三嗣後科不乏人
冠蓋相望沈丘文運公為鼻祖壬辰四月
欽取擢刑部主事歷郎中尋改御史臺按視山東沈人
思慕為立生祠虔俎豆

寮佐 一人

杜斌四川太寧人正德年為縣丞賊攻縣急斌同都指揮督衆出禦失利俱死之嘉靖初事聞贈本縣知縣仍廕一子入監

儒職 一人

王良輔隴西人以歲貢正德二年任訓導膂力剛勇賦性勁直不肯俯仰於時長子禮隨任亦有志節事父孝五年三月流賊劉六劉七劫掠縣境民弗能禦遂犯城本官抱憤誓捐軀殉之子禮亦奮勇從父操矢石立行伍間率衆協力

堅守賊攻城急父子並力禦戰累五六日力不能支城破賊縱火抄焚仍血戰不已一時并亡於陣事聞詔給棺殮仍廕一子入監縣人至今壯之嘉靖四十四年通學生員具呈當事入名宦祠春秋祀之

職官 十七人

李相單縣人由舉人任本縣時縣治雖成猶然草創乃繼李公琳之後補續缺者增漏者補建置之功當不讓於前人矣

單繼芳交城人以歲貢任知縣壘土包磚修

約高一丈

茅容威海衛人以歲二任知縣添修塚口約高五尺

趙永昌安肅縣人由舉人嘉靖二年任知縣展築四面城濠堤以圻其之

戴乾昌化人以歲貢任知縣開通東南兩門水道復設四城角樓修葺學舍勒有碑記

吳芳合肥人由吏員嘉靖五年任縣丞修隍廟有功

蔡思義滄州人由例貢任主簿修隍廟有功

黃憲樂亭人由例貢萬曆十四年任主簿居官有風力能執持頗清白之譽民至今思之

戚棠上海人由吏員嘉靖四十三年任典史巡緝有功操持頗勵民至今感慕

趙明咸陽人由吏員隆慶二年任典史居官廉潔捕盜有功至今民思不忘

蔣鵬山陰人由歲貢嘉靖三十二年任教諭天性質朴半度和煦事不阿俗士類綽有座上

風度曾因謝夫馬中不屈縣主稱賞既退書聯於衙舍云節義重丘山始不渝終不渝功名

赴流水寵不驚辱不驚

恩敬重之傳聞

道禮遇優渥至今

稱誦

蘇耀武城縣人由歲
一十七年任訓導
師範克樹年雖老而教不衰却貧生贊儀廉靖
不染衆心允懷

張鯨齊河人由歲貢嘉靖三十九年任訓導冰
葉自持才裕而不露卻賍驢三迤不受指俸金
買磚修屏墻兵道林公命作觀海賦亟賞之申
請優獎

張勳青縣人由歲貢隆慶五年任訓導謙虛能

受勤教有方一時士心嚮慕衆志翕然至却節
儀肅閑防尤其表表者

張士舉武邑人由歲貢萬曆二年任教諭寬嚴
並用恩義兼施歷任三學不受貧生禮節不惜
借貸俸金諸生咸荷惠澤其課士勤教特其餘
事耳

雷虺然濠溪人由歲貢萬曆三年任訓導手姿
溫雅襟度洒脫歷任
歸來清節獨標

儒林實罕其儔

張天眷深州人由歲貢

十二年任訓導賦

性質實恤貧生却禮節

金置文廟黃帳四

副下車時見無靴白人

三錢人心仰慕

余讀漢史見公卿缺

八府治行者以次

擢用如歐陽文莊公晉詞一為時名卿亦以

治効表著乃賈生薄俗吏無德天下回心而嚮

道類非俗吏之所能為高才誠善矣民其有不

相視顧化者哉攷沈吏治無論科貢兩途如李

之創始縣治宗之力華飛詭劉之振起人文大

部蒸蒸然膾炙人口固宜其荷簡任而蒙超擢

後先見也若乃師表之有王僚佐之有杜亦卓

卓乎不愧於忠義之傳余故表次其論定者據
列為傳而其所未定者亦得列之為職官傳云

